



Broj: 04-44-1-182/19
Sarajevo, 04.11.2019. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 07:00 sati 01.11.2019. do 07:00 sati 04.11.2019. godine

Kantonalni operativni centar civilne zaštite je dana, 01.11.2019. godine primio informaciju od Federalnog hidrometeorološkog zavoda NARANDŽASTO UPOZORENJE koje se odnosi na obilne padavine i jake udare vjetra južnog smjera u periodu od 03.11.2019. (od 03:00 sata) do 04.11.2019. (do 06:00 sati). Navedeno upozorenje je odmah putem e-maila poslato svim Službama civilne zaštite općina na području Kantona Sarajevo.

Kantonalna uprava civilne zaštite Kantona Sarajevo: Pripadnici Kantonalne uprave civilne zaštite Kantona Sarajevo, u izvještajnom periodu, su imali deset manjih intervencija i to: četiri na gašenju zapaljenog smeća u kontejneru, jedna na gašenju zapaljenog niskog rastinja, jedna na gašenju zapaljenog automobila i četiri obezbeđenja (tri sportska događaja i jedno tankovanje goriva na Međunarodnom aerodromu Sarajevo).

Napomena: U protekla 24 sata Pripadnici Kantonalne uprave civilne zaštite Kantona Sarajevo imali su četiri manje intervencije i to: dvije intervencije na gašenju zapaljenog smeća u kontejneru, jedna na gašenju zapaljenog niskog rastinja i jedno obezbeđenje (sportskog događaja).



Iz općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobijene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

Elektrodistribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

JKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Aparati u Centru za seizmologiju Federalnog hidrometeorološkog zavoda u Sarajevu, registrovali su dva zemljotresa i to:

Dana 02.11.2019. godine u 15:11 sati registrovan je zemljotres sa epicentrom na području Turbeta 88 kilometara sjeverozapadno od Sarajeva. Jačina zemljotresa u hipocentru iznosila je 4,7° Richtera, a intezitet u epicentru bio je V° Merkalijeve skale. Zemljotres, na području Kantona Sarajevo, osim uznemirenosti stanovništva nije prouzrokovao druge posledice.

Dana 03.11.2019. godine, u 06:33 sati, registrovan je i drugi zemljotres na istom području jačine 3,3 po Richteru 84 km od Sarajeva, 56 km od Banja Luke, 12 km od Blatnice. Zemljotres osim uznemirenosti stanovništva nije prouzrokovao druge posledice.

Jutros u 07:00 sati temperatura u Sarajevu na mjernoj stanici Bjelave je iznosila 17°C, vlažnost zraka 59%, barometarski pritisak 924,3 hPa.

BIHAMK: Saobraćaj se na području Kantonu Sarajevo odvija uredno. Na dionicama gdje se izvode planirani radovi saobraćaj se odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d., JP Željeznice Federacije Bi H i JP Međunarodni Aerodrom Sarajevo**, gradski, međugradski, željeznički i zračni saobraćaj se odvijaju po ustaljenim redovima vožnje i letenja.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komadantu i članovima Štaba CZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>
e-mail: oc@kucz.ks.gov.ba
Tel: + 387 (0) 33 121, 556-670
Fax: + 387 (0) 33 556-671
Sarajevo, Reisa Džemaludina Čauševića 1